

## Seberang Takir lokasi terbaru pasar tani Fama



Abd Ghani (kiri) bertanya sesuatu kepada peniaga durian di Pasar Tani Seberang Takir.

**SEBERANG TAKIR** – Seberang Takir dipilih lokasi terbaru sekali gus menjadi pasar tani yang keenam di bawah Lembaga Pemasaran Pertanian Persekutuan (Fama) bagi daerah Kuala Neris.

Pegawai Fama Daerah Kuala Neris/ Kuala Terengganu, Abd Ghani Zainal berkata, kewujudan pasar tani yang beroperasi pada waktu petang itu bertujuan memberi peluang kepada usahawan kecil meningkatkan pendapatan masing-masing.

"Sebelum ini, lima pasar tani yang terdapat di Kuala Neris adalah di Pasaraya Giant, Gong Badak, Universiti Sultan Zainal Abidin (Unisza), Universiti Malaysia Terengganu (UMT), Pejabat Felda dan Tepoh.

"Jadi, Seberang Takir menjadi lokasi terbaru dengan menempatkan seramai 56 orang peserta dengan menjual pelbagai jenis produk dan barang. Malah, kita jangka jumlah peserta akan bertambah dari masa ke semasa memandangkan tapak yang kita buka ini mampu menampung sehingga 100 peniaga," katanya.

Tambahnya, dengan wujudnya pasar tani yang beroperasi pada waktu petang diharap mampu membantu peniaga terutamanya petani kecil menjual sendiri hasil pertanian diusahakan mereka.

"Selain itu, penduduk sekitar juga tidak perlu pergi ke tempat lain untuk mendapatkan pelbagai barang keperluan harian, di samping harga yang ditawarkan berpatutan," katanya.